

汉
魏
丛
书



釋名卷三

釋衣服第十六

凡服上曰衣。衣，表也。人所依以芘寒暑也。

下曰裳。裳，障也。所以自障蔽也。

領，頸也。以壅頸也。亦言總領衣體爲端首也。

襟，禁也。交於前所以禁禦風寒也。

袂，掣也。掣，開也。開張之以受臂屈伸也。

祛，虛也。

袖，由也。手所由出入也。亦言受也以受手也。

衿亦禁也禁使不得解散也

帶帶也著於衣如物之繫帶也

系繫也相連繫也

衽襜也在旁襜襜然也

裾倨也倨倨然直亦言在後常見踞也

元端其袖下正直端方與要接也

素積素裳也辟積其要中使蹶因以名之也

王后之上服曰褱衣畫翬雉之文於衣也伊洛而南

雉青質五色備曰翬翬畫鷩雉之文於衣也江淮

而南雉素質五采皆備成章曰鷩

闕翟翦闕繒爲翟雉形似綴衣也

鞠衣黃如菊花色也

禮衣禮坦也坦然正白無文彩也

祿衣祿然黑色也

韠蔽也所以蔽膝前也婦人蔽膝亦如之齊人謂之
巨巾田家婦女出自田野以覆其頭故因以爲名也
又曰跪襜跪時襜然張也

佩倍也言其非一物有倍貳也有珠有玉有容刀有

輓巾有鴈之屬也

襦奘也言溫奘也

袴跨也兩股各跨別也

褙襲也覆上之言也

禪衣言無裛也

襦屬也衣裳上下相連屬也荊州謂禪衣曰布襦亦

是襜褕言其襜褕宏俗也

褕褕衣之無胡者也言袖夾直形如溝也

中衣言在小衣之外大衣之中也

襖襦其一當胃其一當背也

帕腹橫帕其腹也

抱腹上下有帶抱裹其腹上無襠者也

心衣抱腹而施鉤肩鉤肩之間施一襠以奄心也

衫芟也衫末無袖端也

有裏曰複

無裏曰單

反閉襦之小者也却向著之領反於背後閉其襟也
婦人上服曰袿其下垂者上廣下狹如刀圭也

襪撰也青絳爲之緣也

裙下羣也連接裙幅也

緝下橫縫緝其下也

緣裙裙施緣也

緣襦襦施緣也

帔披也披之肩背不及下也

直領邪直而交下亦如丈夫服袍方也

交領就形名之也

曲領在內以中襟領上橫壅頸其狀曲也

單襦如襦而無絮也
要襦形如襦其要上翹下齊要也

半袖其袂半襦而施袖也

畱幕冀州所名大褶下至膝者也畱牢也幕絡也言

牢絡在衣表也

袍丈夫著下至跗者也袍苞也苞內衣也婦人以絳
作衣裳上下連四起施緣亦曰袍義亦然也齊人謂
如衫而小袖曰侯頭侯頭猶言解瀆臂直通之言也
被被也被覆人也

衾广也其下廣大如广受人也

汗衣近身受汗垢之衣也詩謂之澤受汗澤也或曰
鄙袒或曰羞袒作之用六尺裁足覆脅背言羞鄙於
袒而衣此耳禪貫也貫兩脚上繫腰中也
偈所以自逼束今謂之行縻言以裹脚可以跳騰輕
便也

襪末也在脚末也

履禮也飾足所以爲禮也

複其下曰舄舄腊也行禮久立地或泥濕故複其末

下使乾腊也

屨拘也所以拘足也

齊人謂韋屨曰屏屏皮也以皮作之不借言賤易有
宜各自蓄之不假借人也

齊人云搏腊搏腊猶把作麤貌也荊州人曰麤麻韋
草皆同名也麤措也言所以安措足也
屨蹻也出行著之蹻蹻輕便因以爲名也
屨措也爲兩足措以踐泥也

蹻跨也兩足各以一跨蹻也

鞢鞢鞢之缺前墮者胡中所名也鞢鞢猶速獨足直前之言也

鞋解也著時縮其上如履然解其上則舒解也

帛屐以帛作之如屨者不曰帛屨者屨不可踐泥者也此踐泥者也亦可以步泥而浣之故謂屐也

晚下如寫其下晚晚而危婦人短者著之可以拜也

鞞韋履深頭者之名也鞞襲也以其深襲覆足也

仰角屐上施履之名也行不得蹶當仰履角舉足乃

行也

釋宮室第十七

宮穹也屋見於垣上穹隆然也

室實也人物實滿其中也

室中西南隅曰奧不見戶明所在秘奧也

西北隅曰屋漏禮每有親死者輒撤屋之西北隅薪以爨竈煮沐供諸喪用時若值雨則漏遂以名之也必取是隅者禮既祭改設饌於西北隅令撤毀之示不復用也

東南隅曰窆窆幽也亦取幽冥也

東北隅曰宦宦養也東北陽氣始出布養物也

中央曰中雷古者寢穴後室之雷當今之棟下直室

之中古者雷下之處也

宅擇也擇吉處而營之也

舍於中舍息也

宇羽也如鳥羽翼自覆蔽也

屋亦奧也其中溫奧也

廟貌也先祖形貌所在也

寢寢也所寢息也

城盛也盛受國都也

郭廓也廓落在城外也

城上垣曰睥睨言於其孔中睥睨非常也亦曰睥睨
禪也言禪助城之高也亦曰女牆言其卑小比之於
城若女子之於丈夫也

寺嗣也治事者嗣續於其內也

廷停也人所集之處也

獄确也實确人之情僞也又謂之牢言所在堅牢也
又謂之園土築其表牆其形園也又謂之囹圄囹圄領

也固御也領錄囚徒禁御之也

亭亭也亦人所停集也

傳傳也人所止息而去後人復來轉相傳無常主也

瓦踝也踝确堅貌也亦言腓也在外腓見也梁彊梁

也

柱住也

穩隱也所以隱桷也或謂之望言高可望也或謂之

棟棟中也居屋之中也

桷确也其形細而疎确也或謂之椽椽傳也相傳次

而布列也或謂之棖在櫨旁下列衰衰然垂也
栢旅也連旅旅也或謂之慢慢縣也縣連棖頭使齊
平也上入曰爵頭形似爵頭也青衿曰跽跽也
楣眉也近前若面之有眉也

掇儒也梁上短柱也掇儒猶侏儒短故以名之也
牯在梁上兩頭相觸牯也

攀攀也其體上曲攀拳然也

此自肅敬之處也

盧在柱端都盧負屋之重也

盧也

斗在欂兩頭如斗也斗負上具櫨也

蒙屋也

離也青徐

然也又謂